

臣表文上詣

都玄宮言功遷賞以為効信臣敢不殫忱
齋戒竭志修為時雨時暘果遂三農之樂
意承天承地願敷一炷之良心臣下情無
任激切之至謹具表陳謝以

聞誠惶誠恐稽首頓首再拜謹言

年月日具位臣姓某上表

靈寶領教濟度金書卷之三百一

靈寶領教濟度金書卷之三百二

卷

洞微高士開光教苦具人審金具授
靈寶通玄弘教水南先生林靈真編

表榜規制品

傳度弟子謝恩表

具位臣姓某誠惶誠恐稽首頓首再拜

上言臣昨自某月某日蒙度師授受某法

補充上件職名謹循今夕修設三界清醮

一筵上謝天恩謹具表奏

聞者

臣伏以祖炁昭回夙仰獅頭之御靈光羅

絡幸聯龍尾之班拜三天不次之恩榮開

九地非常之緣會輒搥丹赤仰扣玄青伏

念臣某命挺宿基生逢昌運教尊三洞莫

礙妙於雌雄道貫一乘易流華於經緯徒

老化工之月籥未逢哲匠之風斤肘步膝

行近策名於瑤簡口傳心授遂啓秘於瓊

囊師造提携天光鬱勃自慶遭逢之修惟

深激切之多恭惟

太上元形无名虚无自然至真大道无上元

尊金闕玉陛下

名非常名上極无上主張七部流化雨以

雲行扶植十官振玄風而日赫遂令枯朽

亦被生成臣敢不身佩威儀心存禁戒學

具領教敷洪澤於人間會道運元侍玄猷

於天上忱恂莫喻樊飾匪文臣下情無任

激切之至謹奉表奏以

聞謹言

年月日具位臣姓某上表

祈嗣謝過宜男表

具位臣姓某

上言今月某日為某崇建某禱幾晝夜祈

求賢嗣以續箕裘謹具表奏

聞者

臣伏以乾坤孕粹肇凝紫戶之生根離坎

燁精端結黃房之命帶九炁致唱恭之妙

三元昭敬諾之玄期十月以周圓藉九光

而照耀俯禪素悃仰瀆清崇臣誠惶誠恐

稽首頓首伏念齋主某幸忝宿緣叨承餘

慶宗祊望重未開熊夢之祥門戶托深莫

產麟兒之瑞懼風愆之高澤或新障之難
消金井數中火土計羅而守限銀河局內
刑言孤寡以臨身期藉天休曾從人欲恭
惟

太上元形无名虛无自然至真大道无上元

尊金闕玉陛下

範圍八極網紀九霄化雨涵濡御方輿而
莫際仁風披拂窮圓蓋以無垠願鑒薄衷
曲回

聖造即俾其妻室其胞胎凝結榮衛調和
五帝監生仙靈執符而勒藉九天稱慶聖
真定算以衛房誕福德智慧之男膺當壽
康寧之喜母子昌奉宗族惟榮允昭覆育
之恩實拜生成之惠臣下情無任激切之
至謹奉表奏以

聞謹言

年月 日 具位 臣 姓 某 上 表

保胎表

具位 臣 姓 某

上言今月某日為某崇建某齋幾晝夜祈

求賢嗣以續箕裘謹具表奏

聞者

臣伏以出青入玄混合九霄之祖炁迴黃
抱紫昭融四極之神光密凝二五之精澄
寂一三之粹欲全本始宜整肅祈臣誠惶
誠恐稽首頓首伏念齋主某奮志光前折
心裕後流年荏苒奈吉夢之未隨俗事周
遭恐彭仇之莫絕宗枋望重門戶托深每
明發以興思惟夙宵而抱嘆近妻某仰依
覆素已凝結於胞胎更賴提携俾安和於
榮衛誕生男嗣恪慰私衷匪上藉於天光
曷下符於人欲恭惟
太上元形无名虛无自然至真大道无上元
尊金闕玉陛下

三才宗主萬類權衡無願不從普十華而

丕冒有求皆應巨九軌以昭回願運慈悲

密令化育俾某姓娘有喜滿十月而母子

周圍障難無侵歷四時而身心宣暢必遂

得珠之望決符弄璋之期乳哺調勻寢食

安泰多村多藝幼膺家慶之榮無害無災

長備席珍之譽式昭化育曾拜裁成臣下
情無任激切之至謹奉表奏以

聞謹言

年月 日 具位 臣 姓 某 上 表

祈禱齋進爵祿陞官職表

具位 臣 姓 某

上言今月某日為某崇建某齋幾晝夜祈
求爵祿護國寧家謹具表奏

聞者

臣伏以東壁號圖書之府主領詞華南斗
稱賢良之星典司爵祿赫赫儲精於天上
榮榮稟粹於人間欲遂榮途須陳德悃臣
誠惶誠恐稽首頓首伏念齋主某傳心文
獻勵志詩書生際清時願預入官之選欣
逢昌運期遂求仕之良慮玉緯有犯於躔

離而金經或傷於運限舊愆未滌新障難

除非請命以維持曷收神而應感恭惟

太上元形无名虛无自然至真大道无上元

尊金闕玉陛下

三靈主宰萬化權衡冀申飭於清曹為由

頌於洪澤即俾其性返萬里動無室外之憂涉歷數旬靜有心中之喜始從刑懸終至省臺無三年淹即依榮於藥砌有九遠寵須受命於槐庭祿享萬鍾望隆九鼎嘉拜生成之惠允昭化育之私臣下情無任激切之至謹奉表奏以

開謹言

年月日具位臣姓某上表

祈壽齋延生度厄表

具位臣姓某

上言今月某日為某崇建某齋幾晝夜祈

恩謝過請福延年謹具表奏

聞者

臣伏以鄭國企壽星之號望重東華泰邦尊老人之星位隆南極益算風推於斗宿延生獨犯於魁躔願報天文庸修人事臣誠惶誠恐稽首頓首伏念齋主某後進儀範先輩典刑日月易流鬢星星而烏付春秋已鬻髮種種以羨為欲介眉壽於長生宜衍脩齡於不老式從民欲益藉帝恩恭

惟

太上无形无名虛元自然至真大道无上元尊金闕玉陛下

毓粹太初凝精浩劫長萬古而未已幾觀天運之周回後三光而不凋坐閱日輪之

升降願回聖造曲鑒愚衷即俾某障難不侵年齡益茂操堅永蘄精神式固於期願

節重金蘭步武永躋於履福福鄉日闢壽域天開臣下情無任激切之至謹奉表奏

以

開謹言

年月日具位臣姓某上表

禳災齋遣火災表

具位臣姓某

上言今月某日為某崇建某齋幾晝夜祈

保風燭無虞謹具表奏

聞者

臣伏以碧落流芒仰輝煌於燄耀紫虛散炁傳鼓動於融風雖因人事以上騰實是天威而下邁敢干大造爰罄小心臣誠惶

誠恐稽首頓首伏念齋主某蓬蓬萬家粉榆數杜棟宇連接期全父子之懽情庭戶表聯庶享妻孥之奉養乃傳星變云號火殃恐逾旬浹之間必兆災危之勢非繇預禱曷副勤忱恭惟

太上无形无名虛元自然至真大道无上元尊金闕玉陛下

玄之又玄上極无上慶雲蒙鶴普入極以茲成化雨羅敷合九垓而覆有願傾天聽

恪副民心彌命祝融收炎光而退舍揮回祿勸燄勢以移躔適勅杜令之神仍闕

里域之吏庶得鬱彼烝滅畢方威停前簷後楹萬世風清於喜色上覽下簞千秋月

朗於歡聲普及黎元俱叨清蔭臣下相無任激切之至謹奉表奏以

開謹言

年月日具位臣姓某上表

禳蟲驅蝗保田表

具位臣姓某

上言今月某日為某修建某齋幾晝夜禳

遣蟲災保全禾稼謹具表奏

聞者

臣伏以播厥百穀藉地利以登成相爾三農因天時而耘種備田疇產蝗螟之變是疆界多妖戾之侵敢扣

蒼旻願施洪澤臣誠惶誠恐稽首頓首伏念齋主某終歲勤劬累月服勞秋斂春耕親稱糧之憂夏風調雨順期黍稷以穰穰忽天災之肇興有地蟲之肆起陣遊阡陌經山林而半散青天羣飛萬千遇草木而全掩白日根莖盡損苗葉無留始雖望於豐年終實同於歉歲全依帝力式遂民情恭惟

太上无形无名虛元自然至真大道无上元尊金闕玉陛下

率土覃恩普天施惠願霽靈於暴雨或迅發於狂風遣此妖蝗悉無侵於苗稼祛除戾炁盡殄滅以無遺俾遂豐登克成歲稔恪拜生成之惠敢忘推謝之私臣下情無任激切之至謹奉表奏以

聞謹言

年月日具位臣姓某甲表

靈寶領教濟度金書卷之三百二



寶領教濟度金書卷之三百三

卷五

洞微高士開光救苦真人竊金真授

靈寶通玄弘教水南先生林寶真編

表榜規制品

洞度折樣通用

普將榜

靖

謹按靈寶金科清微玉格建齋行道諸天
下觀幽顯欽崇功德饒益諸司列職宜共
宣揚昨據齋法弟子某就某處崇建某齋
幾晝夜洞度云仰祈天澤允證生方靖
職惟領教理難拒違自今月某日為始肅
建

玄壇依按具科次第修奉所示省府院司
諸部仙靈官君將吏咸造在庭盡整威儀
聽宣戒誓

卷五

咨爾將帥官吏靈仙威權濟世忠勇昭天
奉承帝命飛奔八圖各揚職守羅列壇前
翊贊齋律敷暢玄言招真致靈攝景聚仙
形神俱妙枯朽發烟天門衛生地戶光鮮
辟斥魔試遏絕邪源金符煥耀玉簡昭宣